

1

Kōrero whakataki

KOWHEORI-19.

Kāore e kore ko te urutā i horapa ki te ao i te tau 2020, te āhuatanga tautuhī rawa o te tau ka hipa. I tautuhī ake hoki te mahi a te Kaitiaki Mana Tangata.

Kātahi te hiranga o ngā kawenga pūataata, takohanga, wāteatanga me te tōkeketanga i te wā o tētahi raru nui. Ko te whakarato whakamanawatanga e tōkeke ana te manaaki i te tangata, ā, me te tiro mēnā e tika ana ngā mahi a te Kāwanatanga, hei āwhina ki te whakatipu i te pono o te iwi tūmatanui, he āhuatanga whakahirahira i te wā e mahi tahi ana tātou hei iwi ki te pakanga atu ki a KOWHEORI-19. Nō reira e kore e mahue i a au te hiahia ki te whakarato i te tirohanga motuhake me te ripoata ki te Pāremata i ngā pānga o ngā āhuatanga inati e whakaritea ana.

He mihi nui kē ki aku kaimahi, taku āhei kia ngāwari tonu taku mahi i te nuinga o te wā, i te roanga o tēnei urutā. E whakapehaheha ana au ki te ārahi i tētahi rōpū ngaio e whakaatu ana i te ngaiotanga, pūmautanga me te puku mahi i tēnei tau ripoata katoa, inarā i ngā marama e rua kātahi anō ka hipa. Aku mihi motuhenga ki a rātou katoa.

Nā te urupare a te Kāwanatanga ki te urutā, i whakahau i a au kia wawe te huri o taku aro i ētahi wāhi. I tika hoki te whakapūmau i taku mahi



Kōrero whakataki

whakawāteatanga mai i ngā ngā whare whakamohoao me ngā whare whakataratahi. I whakaputaina hoki e au tētahi aratohu o te whakahaere i ngā tono pārongo ōkawa i te wā o te rāhuitanga, me te takawaenga ki ngā tari kāwanatanga maha i runga i te kaha ki te whakatūturu i te whakatakororanga o ngā whakaritenga whaikiko i te wā e whanaketia wawetia ana ngā kaupapahere me ngā tukanga hou hei wāhanga o te urupare a te Kāwanatanga me te whakahaerenga o te KOWHEORI-19.

I mimiratia e tētahi pūrongo whakahirahira i whakaputaina e au me aku hoa e aroturuki ana i te Kawenata Hauātanga, arā a Te Whakatūturu i Ngā Tika Hauātanga, te hiahia mō ngā whakataunga whaitake a te kāwanatanga, tae atu ki ngā ture kaha ake, hei tiaki i ngā tika o ngā tāngata whaikaha.

I kitea te tawhiti tonu o te noho o ngā tāngata whaikaha mai i te noho pārekareka i raro i ngā tika tangata whānui, me ngā whakawāteatanga taketake kei roto i te Kawenata Hauātanga, ā, mēnā e hiahia ana ki te whakakore i ēnei rerekētanga nui, me nui rawa atu te kōkiritanga whakamua.

I timata hoki taku mahi ki aku hoa aroturuki, Te Kāhui Tika Tangata me ngā Tōpūtanga Tāngata Whaikaha i runga i tētahi pūrongo o ngā wheakotanga a ngā tāngata whaikaha i te wā o te KOWHEORI-19.

He mahi māmā noa te arotahi anake ki te wāhanga tuarua o te tau pūrongo me te pānga o te urutā, engari tūturu nei, i tino angitu taku 12 marama puta noa i ngā whakamananga o nāianei me ngā mea hou. I tutuki te nuinga o aku paearu mahi matua puta noa i ngā wāhi mahi katoa, ko ngā mea kāore i tutuki i ara ake i te hiahia ki te whakaarotau i ngā mahi hei urupare atu ki te KOWHEORI-19.

I puta i au i te pūrongo o tērā tau ko tētahi o ngā whakaarotau matua ko te hiki i taku hononga ki te tangata whenua. He nui te kōkiritanga kua tatū i roto i tēnei wāhi. I whakatūria a Pūhara Mana tangata e au, he pae tohutohu o ngā kaihautū pakeke, rangatahi hoki puta noa i te ao Māori, hei ārahi i taku whakaurunga ki te Māori.

Engari ko te hikoi i aua tohutohu te mahi ināianei, ā, nōku te hari i tae ā-tinana atu au ki ētahi hui ā-rohe i te roanga o te tau mō te whakapakari ake i te tirohanga o ngā tamariki kei te pūnaha tiaki, i te taha o te Kaiaroturuki Motuhake a ngā Tamariki, me te Kaikōmihana Tamariki. He hiranga nui ēnei hui mōku

i au e whakarite ana mō taku mahi tirohanga titike i tēnei wāhi. I tua atu i tērā, i hui tahi hoki au ki ētahi iwi o te motu nei.

Hei āhuatanga waiwai ki taku whanake haeretanga ko taku hōtaka whanake ā-ao me te whakaurunga. He roa tonu te hitōria o aku hoa mahi o mua ki te tautoko i te whanaketanga o ngā rōpū Kaitiaki Mana Tangata o te ao, ā, i te tau kua hori kua nui te pikingo o tēnei mahi. He mea tūturu, ko tētahi o ngā hua o te urutā ko te whirinaki ki ngā mahinga rerekē o ngā hangarau i te korenga o ngā whakawhitinga kanohi-ki-te-kanohi.

I mua o te rāhuitanga, i hautū ahau i tētahi hui whakangungu kaitirotiro mā ngā Kaitiaki Mana Tangata o Te Moana-nui-a-Kiwa, me Te Huinga Kaihautū Kaitiaki Mana Tangata o Te Moana-nui-a-Kiwa tuatahi. I te rāhuitanga, i huri au ki ngā āhuatanga matihiko ki te tūhono atu ki aku hoa aropā o Te Moana-nui-a-Kiwa puta noa i te ao, ā, kua whakahaereta e au ētahi awheawhe tuihono i toro mai ai ngā kaiwhakauru mai i ngā whenua maha.

He waiwai tonu kia tipu haere te mōhio a te hunga tūmatanui ki taku mahi. He aha i hiranga ai? He waiwai ngā whare pono tapatahi ki ngā tika tangata me te pūataata. Engari ki te kore te hunga tūmatanui e mōhio ki ēnei whare, pēhea rānei te whakauru atu, ka waimeha tōna pānga, ā, kua herea aku mahi whakarato i te tirohanga matawhānui i ngā mahi o te hunga whaimana.

Ko te tipunga o te mōhio a te hunga tūmatanui e āwhina ana i ngā hapori me ngā tari, me te whakaū i ngā whakatau kaupapa ōrite, te whakaute i ngā tika tangata, me te wāteatanga o ngā pārongo hei wāhanga nui o te porihanga, hāunga i te tāpiritanga noa iho. Me hari ka tika a Aotearoa i te ekenga o te ngākau pono o te rāngai tūmatanui ki te ikeketanga o te Taupū Aroā Hāmate o te Ao mō te Pūataata, i te taha o Tenemāka.

Ka mauroa te pānga o te KOWHEORI-19 i waenganui i a tātou mo ngā tau maha e tū mai ana, ā, ka rerekē te āhua o tana whakaehu mai. E pūmāu ana ahau kia pūataata, kia haepapa hoki ngā mahi katoa puta noa i te rāngai tūmatanui, kia eke panuku te tika mā te katoa.

Peter Boshier
Kaitiaki Mana Tangata Matua

